



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

36. Romanus Pontifex &c. Nullitatis Electionum duorum Administratorum
Ecclesiarum Gnesnensis, & Uladislaviensis ab illarum Capitulis & Canonicis
per abusum laicalis potestatis, ac in præjudicium ...

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

versus aliquem habet, querelam, sicut & Christus donavit Nobis, ut non blasphemetur nomen Domini; sed unanimes honorificemus Deum, & qui una fide jungimur, unitate spiritus; & vinculo pacis invicem copulemur. Datum Romæ apud Sanctam Mariam Majorem sub Annulo Piscatoris die 17. Octobris MDCCVII. Pontificatus Nostri Anno Septimo.

F. Oliverius.

Anno à Nativitate D. N. Jesu Christi millesimo septingentesimo septimo, Indictione 15, die vero 8. mensis Octobris, Pontificatus Sanctissimi in Christo Patris, & D. N. D. Clementis Divina Providentia Pape XI. Anno Septimo, supradictæ Literæ Apostolica affixa, & publicata fuerunt ad valvas Basilicæ Principis Apostolorum, Cancellariæ Apostolicæ, Curia Generalis in Monte Citorio; in Acie Campi Floræ, ac aliis locis solitis, & consuetis Urbis per me Josephum Staggium Apostolicum Curso-rem.

Pro D. Magistro Curforum Ludovicus Capelli Curf.

Publicatio.

XXXV.

DAMNATIO

Et prohibitio librorum sub titulis: Doctoris Laurentii Pires Carvalho Questiones selectæ de Bulla Cruciatæ Lucitania &c. Epitome das Indulgencias, e Privilegios da Bulla da Sancta Cruzada reparado pera major clareza em titulos pellas Indulgencias, e diversas facultades, que contem com alguâs advertencias no principio, composto por Lourenç Pirez de Carvalho &c.

CLEMENS PAPA XI.

Ad perp rei memoriam etiam

Cum, sicut Nobis innotuit, in lucem prodierint ante aliquot annos duo Libri, unus quidem in duos tomos divisus sub titulo infrascripto, videlicet, Doctoris Laurentii Pires Carvalho Questiones selectæ de Bulla Cruciatæ Lucitania, Pars prior & posterior. Ulyssippona 1698; alter vero Lucitanico idiomate editus, cui titulus: Epitome das Indulgencias, e Privilegios da Bulla da Sancta Cruzada reparado pera major clareza em titulos pellas Indulgencias, e diversas facultades, que contem com alguâs advertencias no principio; composto por Lourenç Pirez de Carvalho do Conselho de sua Magestade deputado do Tribunal da Consciencia, e Ordens, e do Conselho dos tres estados, Commissario Geral da Bulla da Sancta Cruzada nestes Reinos, e dominios de Portugal. Lisboa 1696. Et Venerabiles Fratres nostræ S. R. E. Cardinales in totâ Republicâ Christiana contra Hæreticam pravitatem generales Inquisitores à Sede Apostolica specialiter deputati auditâ librorum hujusmodi censurâ sibi relatâ illos damnandos, & prohibendos esse censuerint. Hinc est, quod Nos pro commissâ Nobis divinitus gregis dominici curâ Anninarum periculis, atque detrimentis, quæ ex eorundem librorum lectione, & usû provenire possent, pastorali sollicitudine, quantum cum Domino possumus, occurrere volentes, de memoratorum Cardinalium consilio, ac etiam Motu proprio, & ex certa scientia, ac matura deliberatione nostris, deque Apostolicæ potestatis plenitudine, libros supradictos, & eorum quemlibet tenore

Bullar. Rom. Continuat. Pars II.

præsentium damnamus, & reprobamus, ac legi, & retineri prohibemus, ipsorumque librorum, & eorum cujuslibet impressionem, descriptionem, retentionem, lectionem, & usum omnibus, & singulis Christianis fidelibus, etiam specificis, & individua mentione, & expressione dignis, sub pœna excommunicationis per Contrafacientes ipso facto absque alia declaratione incurrendâ, à quâ nemo per quemquam, nisi per Nos, seu Romanum Pontificem pro tempore existentem, præterquam in mortis articulo constitutus, absolvi possit, omnino interdicimus. Volentes, & Apostolicâ auctoritate præcipientes, ut quicumque libros prædictos, vel aliquem eorum penes se habuerint, illos, seu illum, statim atque præsentem literæ ad eorum notitiam pervenerint, teneantur tradere, atque consignare locorum Ordinariis, vel Hæreticæ pravitatis Inquisitoribus, qui exemplaria sibi tradita illicd flammis aboleri curent. In contrarium facientibus non obstantibus quicumque. Caterum, ut ipsæ præsentem literæ omnibus facilis innotescant, nec quisquam illarum ignorantiam valeat allegare, volumus pariter, & auctoritate præfata decernimus, ut illa ad valvas Basilicæ Principis Apostolorum, ac Cancellariæ Apostolicæ, nec non Curia generalis in Monte Citorio, & in Acie Campi Floræ de Urbe per aliquem ex Curforibus nostris, ut moris est, publicentur, illarumque exempla ibidem affixa relinquantur; Sic vero publicatæ omnes, & singulos, quos concernunt, perinde afficiant, & ardeant, ac si unicuique illorum personaliter intimatæ, & notificatæ fuissent: utque earundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo Personæ in Ecclesiasticâ dignitate constitutæ munitis eadem prorsus fides ubique locorum tam in iudicio, quam extra illud habeatur; quæ haberetur ipsis præsentibus, si forent exhibitæ, vel ostensæ. Datum Romæ apud Sanctum Petrum sub Annulo Piscatoris die 19. Decem. 1707. Pontificatus Nostri Anno Octavo.

F. Oliverius.

Anno à Nativitate D. N. Jesu Christi millesimo septingentesimo septimo Indictione 15, die vero vigesima Decembris, Pontificatus Sanctissimi in Christo Patris, & D. N. D. Clementis Divina Providentia Pape XI. anno octavo, supradictæ Literæ Apostolica affixa, & publicata fuerunt ad valvas Basilicæ Principis Apostolorum, Cancellariæ Apostolicæ, Curia Generalis in Monte Citorio, in Acie Campi Floræ, ac aliis locis solitis, & consuetis Urbis per me Antonium Placentinum Apostolicum Curso-rem.

Nicolatis Vasellus Pro Mag.

Publicatio.

DECLARATIO

XXXVI.

Nullitatis Electionum duorum Administratorum Ecclesiarum Gnesnensis, & Uladislavienfis ab illarum Capitulis, & Canonicis per abusum laicalis potestatis ac in præjudicium modernorum Archiepiscopi Gnesnen., & Episcopi Uladislavien. respectivè factarum, necnon quorumcumque inde secutorum, & secutorum, cum illorum damnatione, revocatione, & abolitione, ac cum aliis diversis ordinationibus, & decretis super eadem materiâ.

C L E M E N S P A P A X I .

Ad futuram rei memoriam.

Exorditur à propria obligatione tenendi jura Sedis Apostolicæ, ac inferiorum Ecclesiasticorum.

Narrat translationem Stanislai Szembek Episcopi Uladislavienfis ad Metropolitanam Gnesnensem.

Provisionem Ecclesiæ Uladislavienfis factam de persona Constantini Szianawski.

Supradicti Archiepiscopus, & Episcopus possessionem Ecclesiarum ceperunt.

Romanus Pontifex in sublimi Apostolicæ Sedis speculâ cum potestatis plenitudine à Domino constitutus suâ, & Apostolicæ Sedis, inferiorumque Ecclesiarum, ac illarum Præsulum Jurâ, ex commissi sibi cælestis Pastoralis Officii debito, facta tecta tueri, & si quando ea temerariis quorumcumque ausibus violata esse novit, ab ejusmodi violationibus asserere studet, sicut omnibus moturâ considerationis trutinâ perpensis, æquitati, & Justitiæ consentaneum esse in Domino arbitratur.

§. 1. Ad nostri siquidem Apostolatus notitiam, non sine gravi animi nostri molestiâ pervenit, quod tamen Nos aliâs, nempe die 7. Junii 1706. in Consistorio nostro Secreto, ut moris est, Ven. Fratrem Stanislaum Szembek tunc Episcopum Uladislaviensem à vinculo, quo tenebatur, Ecclesiæ Uladislavien. cui tunc præerat, de Venerabilium Fratrum nostrorum S. R. E. Cardinalium consilio, & Apostolicæ potestatis plenitudine absolventes, illum ad Metropolitanam Ecclesiam Gnesnensem. certo tunc expresso modo Pastoris solatio destitutam, de consilio, & potestatis plenitudine paribus rastulerimus, ipsumque eidem Ecclesiæ Gnesnensem. in Archiepiscopum præfecerimus, & Pastorem: curam, regimen, & administrationem ipsius Ecclesiæ Gnesnensem. illi in spiritualibus, & temporalibus plenariè committendo, liberamque illi ad Ecclesiam Gnesnensem. hujusmodi transeundi licentiam tribuendo; necnon, tametsi subinde, nempe die 25. ejusdem mensis Junii itidem in Consistorio nostro secreto ipsi Ecclesiæ Uladislavien. per translationem hujusmodi vacanti de Persona Venerabilis Fratris Constantini Szianawski Nobis, & Cardinalibus præfatis ob suorum exigentiam meritorum acceptâ, de eorundem Cardinalium consilio, autoritate Apostolicâ providerimus, ipsumque Constantinum eidem Ecclesiæ Uladislavien. in Episcopum præfecerimus, & Pastorem: curam, regimen, & administrationem ipsius Ecclesiæ Uladislavien. illi in spiritualibus, & temporalibus plenariè similiter committendo, & aliâs prout in binis, seu pluribus nostris sub plumbo desuper expeditis literis uberius continetur: ac tametsi demum ipsi Stanislaus Archiepiscopus, & Constantinus Episcopus, post captam, & apprehensam Ecclesiarum præfatarum possessionem, suos in illis respectivè Officiales constituerint, & deputaverint: nihilominus non defuit, qui omnium humanarum æquè, ac divinorum legum immemor, nullaque ad id legitimâ autoritate sussultus, sed solâ laicali potestate, seu potius armorum violentiâ fretus, per suas literas Dilectis Filiis Capitulo, & Canonicis dictæ Metropolitanæ Ecclesiæ Gnesnensem. die 16. Septembris anni proximè præteriti, seu alio veriori tempore conscriptas dictum Stanislaum Archiepiscopum usurpatorem illius Ecclesiæ nuncupare, ac proinde ab ipsis Capitulo, & Canonicis aliquem ex eorum gremio in Administratorem bonorum ejusdem Metropolitanæ Ecclesiæ, perinde ac si illa adhuc vacaret eligendum esse, temerè, injustè, & sine ullo profus legitimo fundamento asserere præsumpsit; ac subinde non minus audacter per alias suas die 23. ejusdem mensis Septembris, seu alio vel superiori tempore exaratas literas eisdem Capitulo, & Canonicis injungere ausus fuit, ut omnes proventus dictæ Metropolitanæ Ecclesiæ

Gnesnensem. tanquam vacatis à tempore obitus postremi illius Archiepiscopi tam præteritis, quam futuros titulo mutui futuro Archiepiscopo, ut asseruit, per rempublicam refarciendi, in manibus cujusdam Capitanei Commissarii à se nominati, ad effectum illos erogandi pro authorandâ totius Patriæ militiâ, consignari, extrahi, & numerari absque ullâ cunctatione curarent, sub penis per leges contra mandatorum regionum Transgressores statutis, ac jectâ insuper executionis militaris comminatione.

§. 2. Successivè verò, cum animadvertisset quod litera hujusmodi, & mandata in eis contenta (Capitulo, & Canonicis præfatis obtemperare eis meritò detrectantibus) inania profus, & absque ullo effectu remanebant, militaribus copiis, inter quas plures A Catholicorum secum federatorum legiones numerabantur, stipatis, versus civitatem Gnesnensem. se contulit, ibique in Oppido Shupen nuncupato à dictâ Civitate quatuor circiter miliaribus distante eadem militares copias disposuit, deinde autem per quemdam Ablegatum suum ad eandem Civitatem missum, Capitulum, & Canonicos præfatos ad electionem memorati Administratoris, qui Officiali, quem præfatus Stanislaus Archiepiscopus, ut præfertur, constituerat, amoto, regimen dictæ Metropolitanæ Ecclesiæ Gnesnensem., necnon curam, & administrationem bonorum illius Mensæ Archiepiscopalis suscipere, urgere cœpit; comminando renuentibus omnimodam ejusdem Metropolitanæ Ecclesiæ desolationem, omniumque illius Mensarum Archiepiscopalis, & Capitularis bonorum devastationem, aliaque similia gravissima damna in ipsorum perniciem, & everisionem inferenda.

§. 3. Porro Capitulum, & Canonici supradicti ejusmodi minis percussit die 3. Octobris proximè præteriti, licet illa non esset dies Capitularis, secluso, ut asseruerunt, contemptu Clavium, ac declaratâ verbis erga hanc Sanctam Sedem obedientiâ illâ, quam re ipsâ negabant, Venerabilem Fratrem Joannem Cluzeuski Episcopum Gratianopolitan. Suffraganeum Chelmen., ac dictæ Metropolitanæ Ecclesiæ Gnesnensem. Custodem, in illius Administratorem Generalem, non tamen sine aliquorum dissensu, elegerunt, ac plenariam jurisdictionem administratoribus hujusmodi de jure, & consuetudine competentem tam in spiritualibus, quam in temporalibus concesserunt, totumque ei regimen tradiderunt. Subinde verò, nempe die 21. ejusdem mensis Octobris, dictis militaribus copiis ipsam Civitatem Gnesnensem. adhuc circumfidentibus, adeoque eodem metu perdurante, electionem Administratoris hujusmodi in omnibus, & per omnia approbaverunt, & ratificaverunt.

§. 4. Cæterum non minus injustè, ac violenter cum Ecclesiâ Uladislavienfi actum fuit; Dilecti siquidem Filii Capitulo, & Canonici de Ecclesiæ Uladislavien., cum literas non dissimiles eis, quæ ad Capitulum, & Canonicos Gnesnensem., sicut præmittitur, transmissæ fuerant, imò eadem die 23. Septembris proximè præteriti, eodemque nomine sibi conscriptas, & per eadem ferè verba exaratas recedissent, in quibus scilicet falsè æquè, ac temerè præsupposito, quod dicta Ecclesia Uladislavien. vacaret, fructus, & proventus illius Mensæ Episcopalis tam præteriti, quam futuri per aliquem è sui gremio eligendum Administratorem colligendis, similiter titulo mutui per Rempublicam futuro Episcopo refarciendi, eidem Capitaneo Commissario, ut præfertur, nominato pro authorandâ quantocius Patriæ militiâ consignari demandabantur; & cum subinde ipsi gravium malorum comminationibus perterriti fuissent, ni-

Nihilominus per abulum laicalis potestatis infusatum fuit Capitulo Gnesnensi ut eligeret Administratorem; ac fructus Ecclesiæ traderet Capitaneo.

Vilianus armata de Capitulo illata pro supradicta electione.

Inde secuta est electio Joanni Cluzeuski in Administratorem cum successiva approbatione.

Similis electio Adalberti Ignatii Bardzinski in Administratorem Ecclesiæ Uladislavienfis.

si ad

si ad Administratoris hujusmodi electionem devenissent, ut majora scandala, & infortunia, invid, & bonorum omnium jacturam evitarent, Dilectum Filium Adalbertum Ignatium Bardzinski, qui prius ejusdem Ecclesie Uladislavien. Officialis à præfato Constantino Episcopo deputatus fuerat, in Administratorem hujusmodi, ita ut titulo Officialis in alium Administratoris commutato, ceteroqui penes ipsum cura, regimen, & gubernium dictæ Ecclesie Uladislavien., ut prius, remaneret, eligere coacti fuerunt.

§. 5. Cum autem hæc omnia per execrabilem, scandalosum, ac à Sacris Canonibus, & Concilio-
rum Generalium Decretis, Apostolicisque Con-
stitutionibus sub anathemate sæpius damnatum se-
cularis potestatis absum gesta fuerint; adeoque
libertatem Ecclesiasticam Dei ordinatione, &
Canonicis sanctionibus constitutam manifestè
læserint; ac lædant, nostramque, & Apostolicæ
Sedis auctoritatem, quæ Stanislaum Archiepiscopum
Metropolitanae Gnesnen. & Constantinum
Episcopum præfatos Uladislavien., respectivè Ec-
clesiis supradictis, sicut præmittitur, præfecimus,
gravissimè, & apertè violaverint, & violent: ac
præterea animas pretioso Salvatoris, & Domini
Nostri Jesu Christi sanguine redemptas in gravissi-
ma pericula conjecerint, & deplorandis malis
adhuc involvere pergant; novaque proinde, &
sanè graviore multiplicibus illis, atque diuturnis,
quibus florentissimum olim, nunc perturbatissi-
mum Poloniae Regnum ærumnis premitur, ca-
lamitates adjungere noscantur. Hinc est, quod
Nos, qui Jurium Ecclesiasticorum supremi As-
sertores in Terris à Domino constituti sumus,
necnon omnium Ecclesiarum, & Christifidelium
curam, & sollicitudinem supernâ dispositione
gerimus, Regnumque præfatum, & illius in-
clytam Nationem paternâ charitate complecti-
mur; tametsi non dubitemus Venerabilem Fra-
trem Jurium Archiepiscopum Nazarenum nos-
trum, & dictæ Sedis in eodem Regno Nuncium
omnia; quæ ei hac in re à Nobis mandata
fuerunt quæque proinde firma semper, & salva
esse volumus, sedulo, ac fideliter, quantum sibi in
præsenti infelicissimo illarum rerum statu permis-
sum fuerit, jam implevisse: nihilominus, ex in-
juncto Nobis divinitus Apostolicæ servitutis mun-
dere, præfatarum Gnesnen., & Uladislavien.,
Ecclesiarum, illarumque Præsulum indemnitati
uberius consulere, nostraque, & dictæ Sedis Ju-
ra facta testata, atque illibata enixius tueri, &
conservare, necnon animarum hujusmodi pericu-
lis, quantum Nobis & alto conceditur, per am-
plius occurrere cupientes, ac omnium, & singulo-
rum in præmissis tam à Capitulis, & Canonicis
Gnesnen., & Uladislavien. præfatis, quam ab Ad-
ministratores per eos, ut præfertur, electis, & aliis
quibuscumque quomodolibet actorum, & gestorum
seriem, causam, & occasiones, aliave quælibet
etiam specificam, & individuum mentionem, &
expressionem requirentia præsentibus pro plenè,
& sufficienter expressis, ac exactissimè & accurat-
tissime specificatis habentes.

§. 6. Motu proprio, ac ex certâ scientiâ, &
maturâ deliberatione nostris, deque Apost. po-
testatis plenitudine, electiones eorumdem Joan-
nis Episcopi in Metropolitana Gnesnen., necnon
Adalberti Ignatii in Uladislavien. Ecclesiarum
præfatarum, earumque bonorum, reddituum, &
proventuum Administratores, ac cujuscumque
jurisdictionis concessionem, & regiminis traditio-
nem eis ab earumdem Ecclesiarum Gnesnen., &
Uladislavien. Capitulis, & Canonicis respectivè
factas, ut præfertur, & quomodolibet ratificatas,
seu confirmatas, aliæque omnia, & singula in
præmissis, vel circa ea tam à Capitulis, & Canonicis

quam ab Administratoribus hujusmodi, vel il-
lorum aliquo, præfatarum suarum electionum,
eisque sicut præmittitur, respectivè commissarum
administrationum vigore, seu prætextu, per se,
vel alios quomodocumque, qualitercumque acta,
facta, gesta, mandata, decreta, ordinata, vel
disposita, ac forsitan in futurum (quod Deus
avertat) agenda, gerenda, facienda, mandan-
da, decernenda, ordinanda, cum omnibus,
& singulis inde quovis modo secutis, & quan-
documque secuturis, penitus, & omnino nul-
la, invalida, inania, irrita, temeraria, & à
non habentibus potestatem damnabiliter atten-
tata, & defacto præsumpta, nulliusque robo-
ris, momenti, & efficacæ esse, & ab initio fuisse
ac perpetuè fore, tenore præsentium decla-
ramus, & decernimus, illaque damnamus, &
reprobamus; ac nihilominus ad majorem, & abun-
dantiorem cautelam, & quatenus opus sit, illa
omnia, & singula, quatenus de facto processerunt,
revocamus, cassamus, irritamus, & annu-
lamus, viribusque, & effectu penitus, & omnino
vacuamus, nec ullum per ea Ecclesiis, earumque
Præsulibus prædictis præjudicium illatum fuisse,
aut inferri quodocumque posse, sed ipsas Eccle-
sias earumque Præsules in suis primævis Juribus
continuare debere similiter declaramus, in omni-
bus, & per omnia, perinde ac si illa nunquam
facta fuissent, nec evenissent neque unquam fierent,
vel evenirent.

§. 7. Quocirca Joanni Episcopo, & Adal-
berto Ignatio administratoribus, ut præfertur,
nulliter electis prædictis, & eorum cuilibet in
virtute sanctæ obedientiæ, ac sub obstaculo Di-
vini Judicii, & interminatione maledictionis æter-
næ, necnon, ipsi quidem Joanni Episcopo sub
suspensionis ab exercitio Pontificalium, & inter-
dicti ab ingressu Ecclesie, dicto verò Adalberto
Ignatio sub excommunicationis majoris utriusque
denum sub privationis beneficiorum Ecclesiasticorum
quoruncumque per eos respectivè obtento-
rum, perpetuæque inhabilitatis ad illa, & alia
similia, vel dissimilia quæcumque in posterum
quomodolibet obtinenda ipso facto absque alia
declaratione incurtendis pœnis, districtè prohi-
bemus, & interdiciamus, ne suarum irritarum elec-
tionum, sibi que nulliter, ut præfertur, commis-
sarum administrationum hujusmodi vigore, seu
prætextu præfatarum Gnesnen., & Uladislavien.,
respectivè Ecclesiarum regimen suscipere,
& assumere, sive jam susceptum, & assumptum
de cetero retinere, minisque ullam Jurisdic-
tionem, potestatem, vel auctoritatem, in illis
exercere, ullumve inibi actum jurisdictionalem
facere, seu continuare, neque illarum fructus,
redditus, & proventus percipere, seu forsitan
jam perceptos cuiquam alteri, nisi eorumdem Eccle-
siarum respectivè Præsulibus, seu illorum legitimis
Procuratoribus vel aliis, quibus Nos illos tradi,
vel consignari mandaverimus, tradere, vel consignare
ulterius audeant quovis modo, seu præsumant.

§. 8. Eos quoque, qui illis, vel eorum alicui
scienter in præmissis paruerint, vel auxilium,
consilium, vel favorem quovis modo præstiterint,
cujuscumque status, gradus, ordinis, conditionis,
præminentie, vel dignitatis fuerint, similibus pœnis
eo ipso innodamus, & innodatos fore, ac beneficia
hujusmodi, quorum privationis pœnam propter
transgressionem præsentis prohibitionis per præ-
fatos quomodolibet incurri contigerit, ipso facto
absque alia declaratione vacare, illaque per
quoscumque impetrari posse decernimus
itidem, & declaramus; necnon eorumdem be-
nificiorum sic vacantium collationem, provi-
sionem, & omnimodam dispositionem, ac præ-
fatarum

Improbatur
læso liberta-
tis Ecclesi-
asticæ in præ-
missis.

Declaratio
nullitatis, ac
reprobatio
utriusque
electionis,
ac omnium,
quæ exinde
secuta sunt.

Prohibitio,
ne asserti Ad-
ministrato-
res se inge-
rant in regi-
mine dictarum
Ecclesiarum
sub diversis pœ-
nis.

Pœnarum
impositio
contra auxi-
lium, & con-
siliium præ-
stantes, &
Fautores.

Gerenda per
asser. Admini-
stratores
viribus va-
cua esse mo-
net.

Nec excusa-
re commu-
nem erro-
rem ob no-
torietatem
abusus laicalis
potesta-
tis, ut supra,
admissi-

Absolutio-
nem excom-
municatio-
nis & poena-
rum, in quas
Delinquentes,
eorumque
Fautores
incurrerunt,
notificat esse
relevatam
Romano
Pontifici.

Decreta ro-
borantia
cum clau-
sula sublata,
& irritanti.

fatarum poenarum abolitionem, seu relaxatio-
nem Nobis, & Romano Pontifici pro tempore
existenti dumtaxat specialiter reservamus. Mo-
nentes insuper omnes utriusque sexus Christifi-
deles, de quorum aeterna salute solliciti esse de-
bemus, praefatos Joannem Episcopum, & Adal-
bertum Ignatium nullam in eisdem Ecclesiis,
suarum irritatum, ac invalidarum electionum,
eisque nulliter, & de facto, ut praefertur, res-
pectivè commissarum administrationum hujus-
modi vigore, vel praetextu, sive quoad tempo-
ralia, sive quoad spiritualia, jurisdictionem,
aut potestatem habere, vel habuisse; adeoque
nec illam circa ea, quae Sacramentorum admini-
strationem, aut alias forum conscientiae, vel
contentiosum quomodolibet concernunt, au-
thoritatem interponere ullo modo validè pos-
se, nec potuisse, neque contra haec allegari vel
praetendi posse excusationem ex communi erro-
re; nam praeterquam quod satis omnibus notum
erat, atque est, neutram ex Ecclesiis praedictis
vacare, & utramque illarum suum habere Pasto-
rem à Nobis canonicè constitutum, abusus secula-
ris potestatis in electione Administratorum praedi-
ctorum ferè communiter innotuit, omniumque
rectè sentientium horrore, & detestatione repro-
batus fuit, prout illum ab omnibus damnari, &
reprobari volumus.

§. 9. Praeterea cum notorii, & explorati juris sit
eos omnes, qui Capitula, & Canonicos suprad-
d. ad praemissa peragenda per se, vel alios quoquo-
modo adegerunt, necnon Adhaerentes, Fautores,
Consultores, & Defensores eorum, quocumque
tandem gradu, seu dignitate quantumcumque
sublimi praefulgeant, censuras omnes, & poenas
Ecclesiasticas à Sactis Canonibus, generalium
Conciliorum Decretis, & Apostolicis Consti-
tutionibus, ac praefertim literis die Cœnae Domi-
ni singulis annis legi, & promulgari solitis con-
tra similia perpetrantes inflicta damnabiliter
eo ipso incurrisse: notum similiter omnibus ef-
se volumus, illos à censuris, & poenis hujusmo-
di post debitam, & condignam Ecclesiae, ac par-
tibus praestitam satisfactionem, nonnisi à Nobis,
vel Romano Pontifice pro tempore existente (pra-
terquam in mortis articulo constitutos, nec etiam
tunc nisi de stando Ecclesiae mandatis, & satisfacien-
do, cautione praestita, atque cum reincidentia eo
ipso, quo convaluerint) absolvi, & liberari
posse.

§. 10. Decernentes etiam easdem praesentes li-
teras, & in eis contenta quaecumque, etiam ex eo
quod praefati, & alii quicumque in praemissis, seu
eorum aliquo Jus, vel interesse habentes, seu
habere quomodolibet praetendentes, cujusvis sta-
tus, gradus, ordinis, praeminentiae, & dignitatis
existent, seu alias specificè, & individuè mentio-
ne, & expressione digni illis non consenserint,
nec ad ea vocati, citati, & auditi, causaeque,
propter quas praesentes emanarint, sufficienter
adductae, verificatae, & justificatae non fuerint,
aut ex alia qualibet, etiam quantumvis juridi-
cà, & privilegiatà causà, colore, praetextu, &
capite etiam in corpore juris clauso, etiam enormis,
enormissimae, & totalis laesionis, nullo unquam
tempore de subreptionis, vel obreptionis, aut nul-
litate vitio, seu intentionis nostrae, vel interesse
habentium consensus, aliove quolibet, etiam
quantumvis magno, & substantiali, ac in-
cogitato & inexcogitabili defectu notari, im-
pugnari, infringi, retractari, in controver-
siam vocari, aut ad terminos juris reduci,
seu adversus illos aperiitionis oris, restitutionis
in integrum, aliudve quodcumque juris, facti,
vel gratiae remedium intentari, vel impetrari,
aut impetrato, seu etiam motu, scien-

tia, & potestatis plenitudine paribus concessio,
vel emanato quempiam in iudicio, vel extra il-
lud uti, seu se juvare ullo modo posse, sed ipsas
praesentes literas semper firmas, validas, & ef-
ficaces existere, & fore, suosque plenarios, &
integros effectus sortiri, & obtinere, ac ab illis,
ad quos spectat, & pro tempore quodcumque
spectabit in omnibus, & per omnia plenissimè
suffragari, & ab eis respectivè inviolabiliter, &
inconcussè observari; Sicque, & non aliter in
praemissis per quoscumque Judices Ordinarios,
& Delegatos, etiam Causarum Palatii Aposto-
lici Auditores, ac S. R. E. praefata Cardinales
etiam de latere Legatos, & ejusdem Sedis Nun-
cios, aliove quoslibet, quacumque praeminenti-
tiam, & potestate fungentes, & functuros, subla-
tâ eis, & eorum cuilibet quavis aliter judican-
di, & interpretandi facultate, & auctoritate
judicari, & definiri debere, ac irritum, & inane
si secus super his à quoquam quavis auctoritate
scienter, vel ignoranter contigerit attentari.

§. 11. Non obstantibus praemissis, ac quatenus
opus sit, nostrâ, & Cancellariae Apostolicae regu-
lâ de jure quaesito non tollendo, aliisque Apo-
stolicis, ac in Universalibus, provincialibus-
que, & Synodalibus Conciliis editis generali-
bus, vel specialibus Constitutionibus, & ordi-
nationibus, necnon praefatarum Gnesien., &
Uladislavien. Ecclesiarum, & aliis quibusvis,
etiam juramento, confirmatione Apostolica,
vel quavis firmitate aliâ roboratis statutis, &
consuetudinibus, ac usibus, & styli, etiam im-
memorabilibus; privilegiis quoque, indultis,
& literis Apostolicis praefatis, aliisque quibusli-
bet Personis etiam quacumque Ecclesiastica,
vel mundanâ dignitate fulgentibus, & aliis
quomodolibet qualificatis, ac specialem expres-
sionem requirentibus, sub quibuscumque ver-
borum tenoribus, & formis, ac cum quibusvis,
etiam derogatoriarum derogatoriis, aliisque
efficacioribus, efficacissimis, & insolitis clau-
sulis, irritantibusque, & aliis decretis etiam
Motu, scientiâ, & potestatis plenitudine simi-
libus, ac consistorialiter, & aliis quomodoli-
bet in contrarium praemissorum concessis, edi-
tis, factis, ac pluries iteratis, & quantumcum-
que vicibus approbatis, confirmatis, & inno-
vatis. Quibus omnibus, & singulis, etiam si pro
illorum sufficienti derogatione de illis, eorum-
que totis tenoribus specialis, specifica, expres-
sa, & individua, ac de verbo ad verbum, non
autem per clausulas generales idem importan-
tes mentio, seu quavis alia expressio habenda,
aut aliqua alia exquisita forma ad hoc servanda
foret, tenores hujusmodi, ac si de verbo ad
verbum nihil penitus omisso, & formâ in illis
tradita observata exprimerentur, & insereren-
tur praesentibus pro plenè, & sufficienter ex-
pressis, & insertis habentes, illis aliis in suo
robore permanentibus ad praemissorum effectum
hac vice dumtaxat specialiter, & expressè deroga-
mus, ac derogatum esse volumus, ceterisque
contrariis quibuscumque.

§. 12. Volumus autem, ut earundem praesen-
tium literarum transumptis, seu exemplis etiam im-
pressis, manu alicujus Notarii publici subscriptis,
& sigillo Personae in Ecclesiastica dignitate con-
stitutae munitis, eadem proxius fides tam in Judi-
cio, quam extra illud ubique adhibeatur, quae eisdem
praesentibus, adhiberetur, si forent exhibitae,
vel ostensae. Datum Romae apud S. Petrum sub
annulo Piscatoris die 4. Februarii 1708. Pontifi-
catus Nostri Anno. VIII.

F. Oliverius.

DAMNA-

Derogatio
contrario-
rum.

Fides haben-
da transump-
tis.

Dat. die 4.
Februarii an-
no 1708.